

**BROJ: 014-0-SU-20-000126**

**Istočno Sarajevo, 05.05.2020. godine**

Na osnovu člana 48. Zakona o sudovima Republike Srpske, člana 8. tačka ć. Pravilnika o unutrašnjem sudskom poslovanju ("Službeni glasnik Republike Srpske", broj: 9/14, 171/17 i 16/18), predsjednik suda, povodom trenutne epidemiološke situacije u Bosni i Hercegovini i šire, u skladu sa Obaviještenjem Ministarstva pravde Republike Srpske broj: 08.020/052-2424/20-10 od 29.04.2020. godine i datih preporuka i Odlukom o organizaciji rada u sudovima i tužilaštvima u Bosni i Hercegovini Visokog sudskog i tužilačkog vijeća Bosne i Hercegovine broj: 08-02-2-1020-55/2020 od 30.04.2020. godine, dana 05.05.2020. godine, donosi

**ODLUKU**  
**o organizovanju rada Okružnog suda u Istočnom Sarajevu**

1. U sudu se nastavlja sa pojačanom dezinfekcijom prostorija, primjenom mjera lične zaštite – obaveznim nošenjem maski i rukavica svih uposlenih, na recepciji i pisarnici i zaštitnih vizira.  
Svi uposlenici moraju poštovati pravila propisane distance, u skladu sa Odlukama Republičkog štaba za vanredne situacije, kao i osobe koje borave u sudu.
2. Pri ulasku u zgradu i prostorije suda, uposlenici i druge osobe koje ulaze u sud moraju proći kroz dezobarijeru (postavljeno korito sa dezinfekcionim sredstvom) za dezinfekciju obuće.  
Ispred recepcije mora se nalaziti dezinfekciono sredstvo za ruke.  
Sve osobe koje borave u sudu moraju imati lična zaštitna sredstva (maske i rukavice) te poštovati pripisanu distancu. Osobama koje nemaju navedena lična zaštitna sredstva, neće se dozvoliti ulazak u zgradu suda.
3. Sudije/sutkinje zakazivat će ročišta u sudnicama gdje je moguće obezbijediti adekvatnu socijalnu distancu svih prisutnih i konstantno prirodno-provjetranje (bez uključivanja klima uređaja).  
Cijenimo da je moguće obezbijediti socijalnu distancu do 8 (osam) osoba za sudnicu broj 7. i do 10 (deset) osoba u sudnici broj 10. Vijeća vijećaju u prostoriji za vijećanje.
4. Poslije svakog suđenja cijela sudnica se dezinfekuje, dezinfekcionim sredstvom iz prskalice za voće. Dezinfekcija prostorija suda vrši se na naprijed navedeni način najmanje jednom sedmično, a prostor recepcije, hola, pisarnice i sanitarnih čvorova svaki dan, na kraju radnog vremena.
5. Prilikom zakazivanja ročišta i u postupanju po predmetima, prioritet su, predmeti hitne prirode (prитvorski predmeti, mjere obezbjeđenja), stari predmeti koji su u planu rješavanja predmeta (ili se ponavljaju u planu) i kriteriji broja učesnika u predmetu.

6. Potrebno je da svi uposlenici i sudije prilikom korištenja odmora u toku radnog vremena (pauza) ne izlaze iz zgrade suda ukoliko to nije neophodno. U zajedničkoj prostoriji (prilikom doručka) ne bi trebalo da boravi više od 6 (šest) osoba, pa će pauzu za doručak koristiti u različito vrijeme po dogovoru (u vremenu od 09,30 do 10,30 časova.)
7. Obzirom na prognoziranje povoljnije epidemiološke situacije u narednom periodu, poželjno je da se tokom mjeseca maja i početkom mjeseca juna uposlenim i sudijama omogući korištenje preostalog dijela godišnjeg odmora (stari godišnji odmor) jer u mjesecu junu može se očekivati povećanje obima posla (veći priliv predmeta).
8. Sudska pisarnica do daljnjeg ne prima stranke, komunicira se samo pismeno (prijem i otprema pošte), kao do sada.
9. Recepcionar ili dežurni sudski policajac, dužan je utvrditi identitet osobe koja ulazi u zgradu suda (kao i do sada evidentirati u knjizi), te putem aplikacije "Covid.provjera" koja će se putem Odjela IKT suda pribaviti od nadležnih organa. Predmet provjere je, je li osobi izrečena mjera karantina, mjera samoizolacije ili liječenja zaraze Corona virusom (COVID-19). Ukoliko je osobi izrečena bilo koja od ovih mjera, neće joj se dopustiti ulazak u zgradu i o tome odmah izvijestiti nadležne organe.
10. Sve informacije strankama davati isključivo preko telefona ili e-poštom.
11. Radi obezbjeđenja socijalne distance u jednu slobodnu sudsku kancelariju (veću) iz postojećih daktilobiroa premijestiti dva uposlenika asistent – daktilograf sa računarima, umrežiti i povezati u CMS sistem.
12. Dodjela predmeta vrši se nepromijenjeno, u skladu sa Pravilnikom o CMS-u, sudska vijeća rade i postupaju u skladu sa donesenim Godišnjim rasporedom poslova u sudu za 2020. godinu i rasporedom asistenata-daktilografa za 2020. godinu. Promjene se vrše u skladu sa potrebom epidemiološke situacije u skladu sa Pravilnikom o unutrašnjem sudskom poslovanju.
13. Svi uposlenici i sudije suda koji su, u skladu sa Odlukom o organizovanju rada u Okružnom sudu u Istočnom Sarajevu u vanrednim okolnostima nastalim u situaciji epidemije u BiH (Corona COVID-19) broj: 014-0-SU-20-000087 od 16.03.2020. godine i Odlukom o izmjenama i dopunama Odluke o organizovanju rada u Okružnom sudu u Istočnom Sarajevu u vanrednim okolnostima nastalim u situaciji epidemije u BiH (Corona COVID-19) broj: 014-0-SU1-20-000012 od 23.03.2020. godine, dolazili na posao i radili u skladu sa rasporedom u vremenu od 08,00 do 12,00 časova, počev od 12.05.2020. godine radit će puno radno vrijeme.
14. Obzirom da sud ima prostorne mogućnosti, te dovoljno dezinfekcionih sredstava, zaštitnih maski, rukavica, vizira, dovoljan broj dozobarijera (korita sa dezinfekcionim sredstvom), prskalicu za voće za prskanje dezinfekcionog sredstva i osobu koja s tim zna rukovati, svijest kolektiva o potrebi držanja socijalne distance i potrebnoj upotrebi i primjeni ličnih zaštitnih sredstava, svi drugi uposlenici suda i sudije počev od 18.05.2020. godine radit će puno radno vrijeme.

15. Ovisno o epidemiološkoj situaciji ova odluka može se izmijeniti i dopuniti, kao i ponovo urediti uvođenjem "rada od kuće" za pojedine referate, ovisno o uposleniku, sudiji, kao i njihovom zdravstvenom stanju, zdravstvenom stanju člana uže porodice ili godinama života, odnosno pripadnosti rizičnim grupama od bolesti COVID-19.
16. Stupanjem na snagu ove odluke, prestaju da važe Odluka o organizovanju rada u Okružnom sudu u Istočnom Sarajevu u vanrednim okolnostima nastalim u situaciji epidemije u BiH (Corona COVID-19) broj: 014-0-SU-20-000087 od 16.03.2020. godine i Odluka o izmjenama i dopunama Odluke o organizovanju rada u Okružnom sudu u Istočnom Sarajevu u vanrednim okolnostima nastalim u situaciji epidemije u BiH (Corona COVID-19) broj: 014-0-SU1-20-000012 od 23.03.2020. godine.
17. Ova odluka stupa na snagu dana 05.05.2020. godine i primjenjuje se do opoziva.

Dostavljeno:

1. Svim uposlenicima suda
2. Ministarstvo pravde RS
3. VSTV BiH
4. Načelnik Sudske policije D.Mojević
5. Oglasna tabla suda
6. WEB stranica suda
7. Advokatska komora RS
8. Advokatska komora FBIH



PREDSJEDNIK SUDA

Senaid Ibrahimefendić